

ԲԵՆԻԱՄԻՆ ՄԱԻԼՅԱՆ

ԱՐԽԱԶԻԱՅԻ ԿԱՐԳԱՎԻՃԱԿԻ ԶԵՎԱՎՈՐՈՒՄԸ ԽՈՐՀՐԴԱՅԻՆ ՊԵՏԱԿԱՆ ՈՒԹՅԱՆ ՊԱՅՄԱՆՆԵՐՈՒՄ (1921 – 1931թթ.)

Այսրկովկասում խորհրդային կարգերի հաստատման նախօրեին աբխազ հասարակությունը ազգային բազմակուտակ հարցերի լուծումը տեսնում էր Աբխազիայի կարգավիճակի բարձրացման մեջ: Չնայած բազմաթիվ փորձերին 1918-1920թթ. ինքնիշխանության զաղափարն իրականացնել չէր հաջողվել, որը Աբխազիայի կարգավիճակի շուրջը 1920-ական թվականներին հարուցեց նոր հակամարտություն:

Խորհրդային Ռուսաստանի Կարմիր բանակի ուժերով 1921թ. փետրվար-մարտին տեղի ունեցավ Վրաստանի խորհրդայնացումը: Ինչպես գլուխ է վրաց պատմաբան Դևի Ստուրուան, «1921թ. փետրվարին Վրաստանի պետականությունը ձևականորեն չէր վերացել, այլ տեղի էր ունեցել հասարակական-քաղաքական կարգերի ուժային փոփոխում, Վրաստանի...բուլշևիզացում: Այս գործընթացների լրջախոհ վերլուծումից ծնվեց «իրական զավթում» տերմինը»¹:

Կարմիր բանակը, աբխազական «Կիառագ»² պարտիզանական ջոկատների հետ համատեղ, 1921թ. փետրվարի 19-ից մինչև մարտի 8-ը գլուխեց ամբողջ Աբխազիան: Վրաստանում խորհրդային իշխանության հաստատման նախօրեին, վրաց և աբխազ կոմունիստ առաջնորդները Մոսկվայում նախապես պայմանավորվեցին, որ «Սուխումի կուսակցական կազմակերպությունը պետք է մտնի վրացականի մեջ, իսկ Աբխազիան՝ ինքնավարության սկզբունքով մտնի Վրացական ԽՍՀ կազմ»³: Մարտի 6-ին ձևավորվեց Աբխազիայի Հեղկոմի հետևյալ կազմը. Ն.Լակոբա, Ն.Ակիրտավա, Պ.Ազնիաշվիլի: Հեղկոմի նախագահ ընտրվեց Նփրեն Էշբան, որը 1918թ. զարմանք առդեն գլխավորում էր Սուխումի Հեղկոմը: Բնորոշ է, որ խորհրդայնացման առաջին իսկ օրերից մինչև 1921թ. մարտի վերջերը Հեղկոմի պաշտոնական վրաստաթղթերում ոչինչ չի ասված Վրաստանի և Աբխազիայի հարաբերությունների վերաբերյալ: Բավարարվում էին ընդհանուր կարգախոսներով, ինչպես՝ «Կեցցե եղբայրական միությունը Վրաստանի և Աբխազիայի աշխատավորների

միջև»⁴։ Մոսկվայում ունենալով նախնական պայմանավորվածություններ, Վրացիեղկովմի անդամները համոզված էին, որ Վրաստանի ամբողջականությանը սպառնալիք չկա և կոչ հրապարակեցին, թե «Աջարիայի, Աբխազիայի և Հարավային Օսիայի եղբայր ժողովուրդները ինքնուրույն են ուրախում իրենց ճակատագիրը»⁵։ Կարգախոսային բնույթ է կրում Վրացիեղկովմի դիմումը Աբխազիայի Հեղկովմին, որտեղ մասնավորապես ասված է, «որ բոլոր փոքր ժողովուրդները հնարավորություն են ստանում ապրելու ըստ իրենց բնորոշ առանձնահատկությունների»⁶։ Դիմումի մեջ Աբխազիայի և Վրաստանի հարաբերությունների վերաբերյալ որևէ առաջարկությունների բացակայությունը վկայում է բանակցությունների անդրկոլիսյան բնույթի մասին։ Միաժամանակ Վրացիեղկովմի մարտի 8-ի «Վրաստանի ԽՍՀ կառավարման համակարգի մասին» որոշման մեջ ասված է, որ «Նախանգային հեղկովմները պետք է լինեն երեքը. Թիֆլիսի, Բորչալիսի, Բաթումի և մեկ շրջանային՝ Սուխումի կամ Աբխազիայի»⁷։ Սակայն հետագա իրադարձությունները զարգացան ոչ նախնական ծրագրի համաձայն։

1921թ. մարտի 1 առաջին կեսին տեղի ունեցավ Աբխազիայի պատասխանատու աշխատողների երկու խորհրդակցություն, որտեղ որոշվեց հռչակել Աբխազիայի ինքնուրույն հանրապետություն, իսկ կուսակցական կազմակերպությունը կոչել Աբխազիայի Կոմունիստական կուսակցություն»⁸։ Մարտի 26-ին Աբխազիայի Հեղկովմի անդամները Լենինին և Ստալինին հեռագիր հղեցին, որտեղ դնում էին Աբխազիայի Խորհրդային Սոցիալիստական Հանրապետության հռչակման և այն ՌՍՖՍՀ-ի կազմում ընգրկելու հարցը։ Որոշումը հիմնավորվում էր «իր ճակատագիրը անմիջականորեն Խորհրդային Ռուսաստանի հետ կապելու» աբխազ ժողովրդի զանգվածային ցանկությամբ և «Աբխազիայի ինքնուրույնության հռչակումով Կարմիր բանակի պայքարի ազատագրական բնույթն ամրապնդելու ձգտումով՝ ինչպես Աբխազիայի աշխատավոր զանգվածների գիտակցության, այնպես էլ արտասահմանի հասարակական կարծիքի մեջ»⁹։ Այս դիմումը դարձավ աբխազ բոլշևիկների նախորդ հակամենշևիկյան քայուգծության տրամաբանական հետևանք, որի հիմնական պրոյեկտներից էր Խորհրդային Ռուսաստանին միավորվելու անհրաժեշտությունը, ինչը նշանակում էր մտնել Խորհրդային կարգերի հաստատում։

Խորհրդայնացումից հետո վերադառնալով վտարանդիությունից, Լ.Էշբան ստիպված էր այս տրամադրությունները մկատի առնել։ «...Կարծում էինք, - գրում էր նա, - որ Աբխազիան գոյություն կունենա որպես Խորհրդային Վրաստանի անբաժանելի մասը, սակայն երբ մենք այստեղ եկանք և պարզեցինք, թե ինչպիսի մթնոլորտ ենք ընկել, մենք ստիպված էինք ընդունել Աբխազիայի անկախության տարբերակը» և «...մենք միաձայն կանգ առանք այն բանի վրա, որ ազգային պառակտության վերացման համար անհրաժեշտ է, թեպետ և ժամանակավոր՝

մինչև Խորհուրդների համագումարը, հուլիսի Արխագլայի անկախություն»¹⁰: Արխագ բուլնիկների 1921թ. ռազմավարությունը հաշվի էր առնում 1918թ. իրենց կողմից թույլ տված լուրջ վրիպումները, երբ Արխագլայում ժամանակավոր հաստատվեցին խորհրդային կարգեր, սակայն առանց նրա պետականության վերականգնման, որին և ձգտում էին արխագական ժողովրդի լայն շրջանակները: Նկատի ունենալով քաղաքական ինքնուրույնության համար 1918-1920 թթ. արխագների պայքարը, Արխագլայի բուլնիկները խորհրդային կարգերի հաստատումից հետո առաջ քաշեցին ինքնուրույն պետականության գաղափարը:

Վրաց և արխագ բուլնիկների միջև ծագած տարակարծությունները վերացնելու նպատակով միջնորդի դերը ստանձնեց Ռ-Կ(բ)Կ Կովկասյան բյուրոյի քարտուղար Գ.Օրջոնիկիձեն: 1921թ. մարտի 27-ին Ե.Էշբանի նրա հետ ունեցած գրույցի ընթացքում Հեղկոմի անունից առաջարկեց վավերացնել Արխագլայի հռչակումը որպես ինքնուրույն հանրապետություն ՌՍՖՍՀ անմիջական կազմում¹¹: Ե.Էշբան Հեղկոմի դիրքորոշումը հիմնավորում էր այն բանով, որ արխագների մոտ ձգտումը դեպի ազգային ինքնորոշում հարուցեց մենչևիկների քաղաքականությունը: Մեկ այլ առիթով այս գնահատականը հաստատում է Օրջոնիկիձեն. չթաքցնելով, որ. «Մենչևիկների ազգայնական քաղաքականությունը ծնեց կտրուկ հակավրացական տրամադրություններ Արխագլայի, Աջարիայի և Հարավային Օսիայի բնակչության մեջ»¹²: Օրջոնիկիձեն, զարմանք հայտնելով, որ «արխագ ընկերների» կողմից հարցը առաջին անգամ մնամ մեկնաբանման էր արժանանում, այնուամենայնիվ համաձայնվեց հռչակել Արխագլան ինքնուրույն հանրապետություն: Միևժամանակ նա խորհուրդ տվեց շրջանցել Արխագլայի դաշնության հարցը թե Ռուսաստանի, թե Վրաստանի հետ, մինչև այդ հարցի վերաբերյալ Ռ-Կ(բ)Կ Կենտկոմի վճիռը¹³: Զրույցի վերջում նրանք համաձայնության եկան հանդիպել Բաթումում մարտի 28-ին: Նշված օրը տեղի ունեցավ Կովկասյան բյուրոյի, Վրաստանի կոմկուսի կենտկոմի և Արխագլայի հեղկոմի ներկայացուցիչներին համատեղ խորհրդակցությունը, որը վարում էր Գ.Օրջոնիկիձեն: Օրակարգում մեկ հարց էր. «Խորհրդային իշխանության և Արխագլայում Կոմկուսի կառուցվածքի մասին»: Նրկար վիճաբանությունից հետո չհաջողվեց ստանալ Վրաստանի կազմ ընդգրկվելու համար Արխագլայի ներկայացուցիչներից որևէ համաձայնություն: Մարտի 29-ին խորհրդակցությունը վճիռ կայացրեց. «Մինչև Արխագլայի Խորհուրդների համագումարը ՌՍՖՍՀ կամ ՎՍՍՀ հետ Խորհրդային Արխագլայի դաշնության հարցը մնում է բաց և Արխագլան հայտարարվում է Սոցիալիստական Խորհրդային Հանրապետություն»¹⁴: Արխագական կուսկազմակերպությունը ժամանակավոր ստացավ կարգավիճակ՝ Ռ-Կ(բ)Կ Կազմբյուրո և ենթարկվեց անմիջականորեն Կովբյուրոյին: Ինչպես կարծում են վրաց հետազոտողներից ո-

մանք (Մ.Գ. Դավթիկյանի, Գ.Գ.Գեորգյանի և այլք), «Մարտի 29-ի Բաթումի խորհրդակցությունը փաստացի ստիպված էր ճանաչել Խորհրդային Աբխազիայի անկախությունը համաձայնագրերի ճնշման ներքո»¹⁵։ Այս առիթով կարևոր վկայություն է բողեղ Նեստոր Լակոբան, Վրաստանի կոմկուսի 4-րդ համագումարի ամբիոնից վերհիշելով այդ դեպքերը. «Աբխազիայի անկախության հարցը ծագում է 1921թ. և խորհրդայնացումից անմիջապես հետո առաջ է քաշվում իմ և ընկ. Էշքայի կողմից։ Բաթումում մենք, ընկ. ընկ. Սերգոն (Գ.Կ.Օրջոնիկիձեի կուսակցական կեյծանունը – հեղ.) և Էլիավան ապացուցում էինք, որ մնացած անկախությունը ներկա պահին անհրաժեշտ է Աբխազիայում իրական Խորհրդային իշխանություն ստեղծելու նպատակով, սակայն անհրաժեշտ է որպես գոցանակ»¹⁶։ Ուրեմն Աբխազիայի ներկայացուցիչների հիմնական փաստարկն այն էր, որ Վրաստանից անկախության ճանաչումը համբավ կբերի նոր իշխանություններին աբխազ ժողովրդի շրջանակներում։ 1921թ. կոմունիստական առաջնորդները հմուտ կելուսով օգտագործեցին «աբխուզական խաղաքարտը»։ Ստալինը, որպես կուկլասյան գործերի պատասխանատու և ազգությունների ժողկոմ, թույլատրեց Աբխազիայի «անկախության» իռադիկումը՝ դրանով շահելով աբխազների համակրանքը։ Եթե 1918թ. աբխազները մերժում էին Խորհրդային իշխանությունը, ապա 1921թ. բոլշևիկների ձեռքից ստանալով «անկախություն»՝ աբխազների մեծամասնության համար նոր իշխանության և անկախության պաշտպանումը ընկալվեց հավասարազոր։ Համապատասխանորեն խորհրդային կարգերի հակառակորդները ընկալվում էին որպես աբխազ ժողովրդի թշնամիներ, ինչը արտահայտվեց նաև Վրաստանում 1924թ. հակաբոլշևիկյան ապստամբության ճնշմանը աբխազների գործում մասնակցությամբ։ Ոչ վրաժեք անկախության հռչակումով բոլշևիկները ցանկություն ունեին ստեղծել ավելի լայն իդեոլոգիայի տրամադրման պատրանք, քան Աբխազիան ուներ ժողովրդավարական Վրաստանի կազմում 1918-1921թթ. սկիզբին։ Այսպիսով Խորհրդային Ռուսաստանը աբխազների պատկերացմամբ դարձավ սուպատություն և անկախություն արտոնող երկիր, իսկ Վրաստանը ընկալվում էր որպես Աբխազիայի անկախության հակառակորդ։

«Անկախության» հռչակումը բացատրվում էր նաև խորհրդային իշխանության արտաքին քաղաքական նպատակներով։ Պարտություն կրելով պատերազմում Լեհաստանի դեմ, ինչը նշանակում էր «համաշխարհային պայքարական հեղափոխության» ծրագրերի ծախողում Արևմուտքում, Խորհրդային Ռուսաստանի առաջնորդները հայացքն ուղղեցին դեպի Արևելք, միաժամանակ նպատակ ունենալով տեղի ժողովուրդներին համոզել, թե ինչպես է խորհրդային իշխանությունը հոգում փոքրաթիվ ժողովուրդների կարիքները։ Այդ փուլում Լենինը պարբերաբար հիշեցնում էր, որ «...լավ է ազգային փոքրամասնությունների

նկատմամբ չափազանցել գիջողականությունում և փսափկությունում. քան չափազանցել»¹⁷: Լեւինը ոչ պակաս նախազգուշական էր Վրաստանի նկատմամբ: «...Վրաց ազգի նկատմամբ մենք ունենք տիպիկ օրինակ, երբ անհրաժեշտ է կրկնակի զգուշավորություն, կանխողականություն և գիջողականություն մեր կողմից»¹⁸: - հիշեցնում է նա:

Աբխազիայի Հեղկոմը հիմնվելով Բաթումի որոշման վրա, հռչակեց Աբխազիայի ԽՍՀ և այդ մասին 1921թ. մարտի 31-ին ուղիղակի ուղարկեց Լեւինին, Ստալինին, Չիչերինին և Հայաստանի, Վրաստանի, Ադրբեջանի, Լեռնային հանրապետության հեղկոմների նախագահներին¹⁹: Վրացհեղկոմը դրան արձագանքեց տևական դադարից հետո. ինչլ կարելի է գնահատել որպես Բաթումի որոշումների կողմնակիցների և հակառակորդների միջև Վրաստանի Կ(բ)Կ Կենտկոմում ներքին պայքարի ծավալման արդյունք: Վերջիններս, որոնք կուսպատմության մեջ հիշատակվում են որպես «ազգային ուկլոնիստներ», դեմ էին արտահայտվում Աբխազիայի, Աջարիայի և Հ.Օսիային ինքնավարություն տրամադրելուն²⁰: Այդ հարցում նրանց պաշտպանում էին Վրաստանում դեռևս գոյություն ունեցող քաղաքական այլ կուսակցությունները: Այդ առիթով ձախ սոցիալիստ-ֆեդերալիստների «Տրիբունա» թերթը գրում էր. «Վրաստանում որևէ Հալալ-Օսյա գոյություն չունի, կան միայն վրացիների միջև ասպրող օսեր: Վրացական օսերի ինքնավարությունն անհեթեթություն է...»²¹: Ժամանակակից վրացական պատմագրությունը վուռաբանում է «ուկլոնիստներին», նրանց կոչելով. «...իրական վրաց հայրենասերներ, որոնք պայքարում էին Վրաստանի իրական անկախության համար, չէին գիջում ոչ մեծապետականներին, ոչ էլ՝ աբխազ և օսանջատողականներին»²²:

Միայն 1921թ. մայիսի 14-ին Կ(բ)Կ Վրաստանի Կենտկոմը հատուկ որոշումով հաստատեց Բաթումի պայմանավորվածությունները, միաժամանակ նշելով, որ Աբխազիան մնում է ինքնուրույն, մինչև Խորհուրդների իր համագումարը, ուր պետք է վերջնական վճռվեր նրա ասրսգա դրության հարցը²³: Ի կատարումն կուսակցական մարմնի քաղաքական որոշման Վրացհեղկոմը, պարձյալ երկար դադարից հետո (ինչի վկայում է քանավե՛ր շարունակումը), Աբխազիայի աշխատավորների 1-ին համագումարի նախաշեմին՝ մայիսի 21-ին հրապարակում է «Աբխազիայի ԽՍՀ-ի անկախության մասին» հռչակագիրը: Հռչակագիրը հրապարակելիս «աբխազ ընկերներից» Վրացհեղկոմի անդամները հավանաբար ստացել էին որոշակի երաշխիքներ: «Երբ մարտին մենք մտանք Սուխում՝ ասացինք. պետք է կարճ ժամանակահատված, Աբխազիայի և Վրաստանի աշխատավորների միջև ազգային հարաժանրը վերացնելու համար և պետք է, որ մենք հայտարարենք անկախ հանրապետություն»²⁴, - նշում է Ն. Լակոբան: Նույն սգով է արտահայտվում Ե.Էշբան. «... նպատակ ունենալով վերացնել ազգային հալածանքը, որոշվեց գոնե

ժամանակավոր հայտարարել Խորհրդային Աբխազիայի անկախությունը»²⁵:

Վյացիեդկոմի հռչակագիրը ընթերցվեց Ս. Քավթարաձեի կողմից մայիսի 28-ին Աբխազիայի աշխատավորների 1-ն համագումարում, որը և լնդումվեց մեծ ոգևորությամբ: Պատասխան ելույթում Ե.Էշբան բոլոր հիմքերն ուներ նոր իշխանության վառուբանման համար ասելով. «Ամիսներով քախանձում էին Թիֆլիսում շինծու ինքնավարության մասին, սակայն և նույնիսկ սմամեջ ինքնավարության նրանք (խոսքը ներկայացուցական մայմնի՝ Աբխազիայի Ժողովրդական Խորհուրդի մասին է. հեղ.) չէին կարող հասնել (մեղշկիկների կառավարությունից-հեղ.)... Եկան բոլշևիկները և պստիկ Աբխազիան ունի իրական անկախություն»²⁶: Այս առիթով 1921թ. օգոստոսի 12-ին կայացած Կովկասյան երկրամասային կուսխորհրդակցության ժամանակ Գ.Օրջոնիկիձեն նշեց. «Երբ Աբխազիան պահանջեց անկախություն, մենք մատնանշեցինք Աբխազիայի կոմունիստներին, որ նման վոքք պետության անկախությունն անհնար է, սակայն ի վերջո մենք համաձայնվեցինք: Մենք ասացինք. երև աբխազ ժողովուրդը վրացիների նկատմամբ անվստահությունն է տածում... թող Աբխազիան լինի անկախ, թող նա բուժի մեղշկիկների հասցյած վերքերը, սակայն հետագայում աբխազներն իրենք կհամոզվեն խորհրդային հարևան Վրաստանի հետ սերտ միավորման անհրաժեշտության մեջ»²⁷:

Աբխազիայի նոր իշխանավորները համտեսեցին իշխանության «հաճույքը», որը Ն.Լակոբան այսպես է նկարագրում. «Մենք սկզբից քաշվում էինք կոչել մեզ հանրապետության «մախագահներ», ժողկոմներ և այլն, սակայն անցնում է մեկ, երկու, երեք օր և ամաչկոտությունը վերանում է...»²⁸: Այս նրբերանգը նկատել էին ժամանակակիցները և այն արտահայտել վրացական «Սցցիալիստ-ֆեդերալիստ» թերթի էջերում տեղ գտած «Աբխազիայի հարցը» հոդվածում. «Այժմ ստեղծվել է հարմար պահ արվարձաններում արտոնյալ մարդկանց համար: Մինչ Խորհրդային Վրաստանը զբաղված է ներքին կառուցապատմամբ, իրենք... ստեղծում են այնտեղ հանրապետություններ, քանի որ այժմ իշխանիկությունները մոդայիկ չեն...»²⁹: Կարճ ժամանակ հետո՝ 1921թ. հուլիսի 5-ին Ստալինի մասնակցությամբ գումարված ՌԿ(բ)Կ Կովբյուրդյի պլենումում կայացվեց «ինքնավար հանրապետության ձևով Աբխազիայի և Վրաստանի միավորման ուղղությամբ կուսակցական աշխատանք ծավալելու մասին»³⁰ որոշում: Կովբյուրդյի ճնշման ներքո, հուլիսի 22-ին, Աբխազիայի ղեկավարությունը Բաթումում հրավիրեց Հեղկոմի և Աբխազիայի ՌԿ(բ)Կ Կազմբյուրդյի միացյալ նիստ, որին ներկա էր Կովբյուրդյի քարտուղար Հ.Նագաբեթյանը: Բացատրական ելույթում նա պարզաբանեց, որ անկախության և ինքնավարության հարցերը կիրառական ուծման պարագայում, որևէ սկզբունքային հակասություններ չունեն³¹:

Եվ իրոք՝ երբ իշխանությունը խստագույնս կենտրոնացվել էր կուսակցության ձեռքում՝ ինքնավարություն, թե խորհրդային «անկախություն» հասկացություններն այլևս կրում էին պայմանական բնույթ: Գտնվեց նաև մեծ ոգևորությամբ հռչակված «անկախությունն» ի չիք դարձնելու «տնտեսական հիմնավորում», որը և ներկայացվեց Աբխազիայի պատասխանատու աշխատակիցների՝ հուլիսի 23-ին հրավիրված խորհրդակցությամբ: Ընդգծվեց, որ «խորհրդակցությունը Վրացիեդկումի հռչակագիրը այսուհետև համարում է աբխազ ժողովրդին առավելագույն ինքնավար իրավունքներ լիովին երաշխավորող», որի «լիակատար անկախությունը... անիրականաճալի է, քանի որ ոչ մի վոլոքիլի խորհրդային հանրապետություն չի կարող գոյատևել անկախ»³²: Հույս հայտնվեց, որ Աբխազիայի խորհուրդների առաջիկա համագումարը իր համերաշխությունը կհայտնի Վրացիեդկումի հռչակագրի սկզբունքների՝ Վրաստանի հետ դաշնության և տնտեսական միասնականության հիմքերի վրա:

Վերադաս կուսակցական մարմիններն իրականում հաշվի չէին նստում Աբխազիայի անկախ կարգավիճակի հետ: 1921թ. հուլիսին կայացած Կովբյուրոյի պլենումը անհրաժեշտ գտավ. «...ճանաչել կովկասյան հանրապետությունների (Վրաստան, Ադրբեջան, Հայաստան) անկախության իրականացումը, պահպանելով գոյություն ունեցող լիակատար կուսակցական հարաբերություններն այդ երկրների կոմկուսի կենտկոմների և ՌԿԿ ԿԿ-ի միջև...»³³: Այս ատյանի նիստերին, Աբխազիայի, Դադստանի և Լեռնային հանրապետության ներկայացուցիչները, ի տարբերություն երեք Այսրկովկասյան հանրապետությունների, մասնակցում էին խորհրդակցական ծայնի իրավունքով³⁴: 1921թ. օգոստոսի 16-ին ստեղծված «Անդրկովկասի տնտեսական բյուրոյում» Աբխազիան, որպես առանձին միավոր, նույնպես չէր ներկայացված³⁵: Այս վրվածքը հաստատում է Ստալինը 1921թ. սեպտեմբերի 1-ին ՀԿԳԿ - քարտուղար Ա. Եմուկիձեին գրած մամակում, «Աբխազիան հանդիսանում է անկախ Վրակայանի ինքնավար մաս, որի համար էլ ՌՍՖՍՀ-ում ինքնուրույն ներկայացուցիչներ չունի և պարտադիր չէ ունենալ»³⁶:

1921թ. հոկտեմբերի 15-ի Աբխազիայի Կազմբյուրոյի պլենումի և Հեդկոմի ընդլայնված համատեղ նիստում որոշվեց ձևակերպել Վրաստանի և Աբխազիայի կապը պաշտոնական պայմանագրով, որպես երկու միութենական հավասար հանրապետությունների³⁷: Այսպիսով Աբխազիայի կոմունիստներն ինքնուրույն փոխեցին վերադաս Կովբյուրոյի որոշումը «ինքնավարացման» մասին: Այս անհնազանդության դրդապատճառները պարզ են դարձնում Աբխազիայի դեկավար գործիչների գալուստիսը՝ անդամակցել Կովդաշնությանը, շրջանցելով Վրաստանը³⁸: 1921թ. նոյեմբերի 14-ով թվագրված մամակում Ե.Էշբան դիմում է Կովկասյան բյուրո, խնդրելով հավանություն տալ Աբխազիայի անդամակցությանը

Կովկազնությանը որպես չորրորդ հանրապետության³⁹: Այդ գաղափարին կողմնակից էր նաև Ն.Լակոբան, ինչը նա խոստովանեց 1925թ. դեկտեմբերի 25-ին Վրաստանի կոմկուսի 4-րդ համագումարի ամբիոնից⁴¹: 1921թ. նոյեմբերի 1-ին վրաց-աբխազական հարաբերությունները քննարկվեցին Կովկասյան բյուրոյի նախագահության նիստում և որոշվեց 10 օրվա ժամկետում կազմել երկկողմ պայմանագրի նախագիծ: Այդ նպատակով ստեղծվեց հանձնաժողով՝ Բ.Լեգրանի նախագահությամբ: Քսանի որ աբխազական ղեկավարությունը պնդում էր Կովկազնությանն առանձին անդամակցելու հարցը, հանձնաժողովի գործունեությունը անարդյունք եղավ և նոյեմբերի 16-ին Կովկասյան բյուրոն կայացրեց պարտադրող որոշում. 1. Անկախ Աբխազիայի գոյությունը համարել աննպատակահարմար: 2. Առաջարկել ընկ. Էշբային ներկայացնել իր վերջնական եզրակացությունը Վրաստանի դաշնության կազմում՝ պայմանագրային հիմունքներով Աբխազիայի ընդգրկման մասին, կամ ՌՍՖՍՀ-ում՝ ինքնավար մարզի սկզբունքներով⁴¹: Առաջին հայացքից այս որոշումն նկատի էր առնում Խորհրդային Ռուսաստանին անդամակցելու աբխազ կոմունիստների սկզբնական ցանկությունը: Սակայն, երբ Աբխազիան արդեն հռչակվել էր անկախ, այդ առաջարկը նախատեսում էր իր կարգավիճակի էական իջեցում ե այստեղ առկա էր նրբամիտ հոգեբանական հաշվարկ: ՌՍՖՍՀ-ի կազմում Աբխազիան ստանում էր երկու աստիճան ցածր կարգավիճակ, քան Վրաստանի դաշնությունում: Իրական ընտրության բացակայության մասին է վկայում Աբխազիայի Կազմբյուրոն Վրաստանի Կ(բ)Կ հենտկոմին կազմակերպչական առումով ենթարկելու մասին Կովկասյան բյուրոյի նոյեմբերի 24-ի որոշման վրասով⁴²:

1918-1921թթ. վրաց հասարակական կարծիքը ընտելացավ Աբխազիան Վրաստանի անբաժանելի մասը համարելու մտքին: «Անկախ Աբխազիան, որի բնակչության մեծ մասը կազմում են վրացիները՝ անընդունելի է և ստեղծված է լիովին այլ նպատակներով, որին տեղաբնիկ վրացիները երբեք չեն ընտելանա: Սակայն մինչև այս հարցի վերջնական լուծումը անհրաժեշտ է, որ Վրաստանի չեղկոմը...նշանակի Աբխազիայում Ներկայացուցիչ, որը կպահպանի...վրացիների շահերը»⁴³, - գրում էր վրացական մամուլը: Վրաց կոմունիստները չէին կարող հաշվի չառնել այս տեսակետները, առավել ևս իրենցից ոմանք տոգորված էին այդ տրամադրություններով: Քանի որ Աբխազիան արդեն հայտարարված էր անկախ հանրապետություն, Վրաստանի «տարածքային ամբողջականությունը» պահպանելու նպատակով, վրաց ղեկավարների սթավո մտածող մասը չսակարկեց ինքնավարության պաշտոնական կարգավիճակի վերաբերյալ և համաձայնություն տվեց «պայմանագրային հանրապետությանը», որպես փոխզիջումային տարբերակի:

1921թ. դեկտեմբերի 16-ին Աբխազիայի և Վրաստանի լիազոր ներկայացուցիչները (Ն.Ակիլտավա, Ս.Կարտոզիա, Ս.Քավթալաժե) կնքեցին միութենական դաշնագիր, որի առաջին հոդվածն ամրագրում էր, որ վերոնշյալ հանրապետությունները կազմում են միմյանց հետ ռազմական, քաղաքական և տնտեսաֆինանսական լրացիմը⁴⁴։ Տեղի ունեցավ Աբխազիայի դեկավարության շրջադարձը դեպի Վրաստանի հետ միությունը։ Այդ է վկայում 1922թ. հունվարին Վրաստանի կոմկուսի առաջին համագումարում Ե.Էշբայի ելույթը։ «Մենք ոչ մի լուսն չէինք դադարում քարոզել ընդդեմ այսպիսի անկախությանը և քարոզչության այսչյունքը ակնհայտ է»⁴⁵, – հայտարարեց նա։

Աբխազիայի խորհուրդների առաջին համագումարը, որի անհրաժեշտության մասին խոսում էին խորհրդայնացման առաջին իսկ օրից, գումարվեց 1922թ. փետրվարի 12-17-ը։ «Անդրկովկասի հանրապետությունների դաշնության մասին» զեկույցով հանդես եկավ Ն.Լակոբան. «...խորհրդային իշխանության գաղափարի պահպանման նպատակով մանր ազգությունների շրջանակներում՝ ինչպես օրինակ աբխազականի, անհրաժեշտ էր մեկ լուսնով Աբխազիան հայտարարել անկախ հանրապետություն...»⁴⁶, – նշեց նա։ Երբ համագումարում հրապարակվեցին Վրաստանի հետ միութենական դաշնագրի դրույթները պատվիրակների որոշ մասը բարձրաձայն բողոքեց։ Ն.Լակոբան ստիպված էր արդարանալ և հակաճառել. «Աբխազիայի անկախությունը Վրաստանը չի խլում...»⁴⁷։ Ինչ անկախության մասին էր խոսքը, եթե, իր իսկ բառերով, այն հռչակված էր մեկ լուսնով։ Պատվիրակներին վստահություն ներշնչելու նպատակով նա ելաշխիքներ տվեց. «Եթե Վրաստանը սկսելու է խլել, մենք բողոքարկելու ենք հեղափոխության շտաբին»՝ ՌԿԿ, ՀԿԳԿ, ընկ. Լենինին։ Աբխազիայի աշխատավորների անկախությունը ոչ ոք չի կարողանա խլել, քանի դեռ գոյություն ունի խորհրդային իշխանությունը»⁴⁸։ Համագումարը ընդունեց որոշում՝ «Անդրկովկասի հանրապետությունների դաշնության և ԽՍՀ Աբխազիայի և ԽՍՀ Վրաստանի դաշնության մասին», որի ելույթը կետով առաջարկվեց Աբխազիայի ԿԳԿ-ին մշակել նոր դաշնագիր այն հիմունքներով, ինչպիսին է Անդրկովկասի հանրապետությունների միութենական դաշնագիրը⁴⁹։ Չնայած համագումարը չհաստատեց 1921թ. դեկտեմբերի 16-ի դաշնագիրը, Վրաստանի Կ(բ)Կ Կենտկոմի նախագահությունը 1922թ. փետրվարի 27-ին որոշեց Աբխազիային տրամադրել 3 տեղ հանրապետական ԿԳԿ-ում, միաժամանակ այն որակելով «ինքնավար հանրապետություն»⁵⁰։ Կուսակալությունը հավանություն տվեց 1922թ. մարտի 2-ին ընդունված Վրաստանի ԽՍՀ սահմանադրության առաջին հոդվածի հավելվածին, որտեղ Աբխազիան հայտարարվում էր «միավորված» Վրաստանի հետ, ի տարբերություն Աջարիայի և Հ. Օսիայի, որոնք մտնում են նրա կազմի մեջ⁵¹։ Սակայն այդ տարբերությունը ուներ ձևական բնույթ։ Դեռևս 1921թ.

ցություն ունեցավ նաև Վրաստանում ազգային հարցի շուրջը ծավալված քանակները:

1923թ. մարտին կայացած Վրաստանի կոմկուսի 2-րդ համագումարի ամբիոնից հնչեցին Աբխազիայի տնտեսական շրջափակման կոչեր: Գրգռվածության պատճառը այն էր, որ Աբխազիայի պաշտոնական մարմինները չէին ընդունել որևէ փաստաթուղթ, որը իրավականորեն վավերացներ կապը Վրաստանի հետ⁵⁷: Վրաստանում ստեղծված իրավիճակով խիստ դժգոհ էին Մոսկվայում: Այս կապակցությամբ, 1923թ. ապրիլին կայացած ՌԿԿ 12-րդ համագումարում ունեցած ելույթում Ստալինն ասաց. «Վերցնե՞ք Վրաստանը: Այստեղ ւտկա է 30 % ոչ վրացական բնակչություն... Վրաց կոմունիստների որոշ մասում ծնվել է գաղափար՝ այնքան էլ հաշվի չնստել այդ մասը ազգություներին հետ... Դա շովինիզմ է, վնասակար և վտանգավոր շովինիզմ, որովհետև նա կարող է փոքր վրացական հանրապետությունը վերածել զգվտոցի ասպարեզի: Այնուամենայնիվ նա արդեն վերածել է իրեն զգվտոցի ասպարեզի...»⁵⁸: Այս կտրուկ գնահատականը բնորոշում է Վրաստանում ստեղծված իրավիճակը: Այդ պայմաններում հասկանալի է դուռնում Աբխազիայի ղեկավարության զգուշավորությունը Վրաստանի հետ որևէ իրավական կապերի ստեղծման գործում: Գ.Օրջոնիկիձեն 1923թ. դեկտեմբերի 21-ին Անդրկովկասի Խորհուրդների 2-րդ համագումարում ստիպված էր հանգստացնել. «Աբխազիան հիմա ինքնուրույն հանրապետություն է... ով ուզում է դարձյալ վերածել նրան որևէ մեկի գաղութի, կստանա ձեռքերին»⁵⁹:

1923թ. հունիսի 26-ին Աբխազիայի ԿԳԿ-ի նախագահությունը որոշեց որպես հիմք ընդունել Վրաստանի գործող սահմանադրությունը⁶⁰, իսկ 1925թ. ապրիլի 1-ին Աբխազիայի Խորհուրդների համագումարին ներկայացվեց առաջին սահմանադրության նախագիծը: 5-րդ հոդվածը հռչակում էր Աբխազիայի ԽՍՀ ինքնիշխան պետություն և դուրս գալու ազատ իրավունք էր վերապահում ԱՍՖՍՀ և ԽՍՀՄ-ից: Այս դրույթը խիստ հակասում էր վերը նշված կառույցների սահմանադրություններին: Հետազոտողների միջև կան տարաձայնություններ ԽՍՀ Աբխազիայի 1925թ. Սահմանադրության օրինական լինելու մասին: Հիմք ընդունելով «3-րդ Համաաբխազական Խորհուրդների համագումարի տեղեկագիրը», ուր հայտնվում է Վրաստանի ԽՍՀ և ԱՍՖՍՀ-ի սահմանադրությունների հետ համաձայնեցման նպատակով համագումարին ներկայացված նախագծի վերամշակման որոշման մասին⁶¹, մի շարք վրաց պատմաբաններ (Մ.Լորդքիփանիձե, Ա.Սուրգուլաձե, Է.Խոշտուրիա-Բրոսսե, Լ.Թոխիձե, Գ.Գոգսաձե և այլք) պնդում են, որ այսպես կոչված «1925թ. Սահմանադրությունը» մնաց որպես նախագիծ⁶²: Աբխազ պատմաբան Բ.Սազարիան և վրաց գիտնականներ Դ.Գամախոսրիան, Բ.Գոգիան հաստատում են Սահմանադրության ընդունման փաստը 3-

յոյ համագումարում⁶³։ Սակայն դրա տեքստը չէր հրատարակվել և իրավական կարգավիճակ չի ստացել⁶⁴։ 1925թ. սեպտեմբերի 6-ին ՀԿ(ք)Կ ԼՃԿԵՐԿՐԿՈՒՄԻ անհրաժեշտ համարեց սահմանադրորեն ձևակերպել հարաբերությունները Վրաստանի և Աբխազիայի միջև, միաժամանակ վերանայելով ԽՍՀ Աբխազիայի Սահմանադրությունը⁶⁵։ Արդեն սեպտեմբերի 11-ին այս որոշումը քննարկեց Աբխազիայի մարզկոմի նախագահությունը և որոշեց ստեղծել հանձնաժողով Ե.Լակոբայի գլխավորությամբ։ Հոկտեմբերի 27-ին ուղղումներով նախագիծը հաստատվեց Վրաստանի կոմկուսի Կենտկոմի Քարտուղարության կողմից, որը հանձնարարեց Աբխազիայի ԿԳԿ-ն ընդունել այն սահմանված կարգով։ 1925թ. դեկտեմբերի 2-ին ելույթ ունենալով Վրաստանի կոմկուսի 4-դ համագումարում, Ե.Լակոբան խոստովանեց սահմանադրության ընդունման հարցում 1925թ. ապրիլին թույլ տված «վրիպումը», անվանակոչելով այն «հիմարություն»⁶⁶։ Թե ինչու նա ընտրեց ինքնաքննադատության ճանապարհը գուցե բացատրում են Վրաստանի Կենտկոմի քարտուղար Մ.Կախիսանու խոսքերը, որոնք մեջբերում է Ե.Լակոբան. «Աբխազիան իրենից ներկայացնում է բազմազգ հանրապետություն, ընդ որում այս հանրապետության առանձին մասերը լավ չեն ընտելացել միմյանց։ Աբխազիայի իրական անկախության և Վրաստանից հեռանալու մասին կարգադրումը կրեի Աբխազիայի փլուզմանը ինչպես խաղաքարտերից կառուցած տնակի»⁶⁷։ Նույն համագումարում Օրջոնիկիձեն Աբխազիան անվանելով ինքնավար, միաժամանակ և ակնարկեց նրա նպատակահարմարությունը աբխազների փոքրաթիվ լինելու պատճառաբանությամբ⁶⁸։ Այդ հարցին անդրադառնում է Ֆ.Մախարաձեն՝ «Սուխումում Վրաց-ԿԳԿ-ի մտաշրջանի կենտրոնական հարցը» հոդվածում («Սովետսկայա Աբխազիա», 1926թ. 16 հունիսի), որտեղ նա գրում է. «...Հիմնական աբխազ ազգությունը ներկա պարագայում կազմում է փոքրամասնություն երկրում։ Մեզ կարող են հարցնել. ինչու՞ է պետք Աբխազական հանրապետությունը։ Լավ չի՞ լինի այն վերացնել միանգամայն»⁶⁹։ Սահմանադրական փոխհաղաբերությունների վերջնական հստակեցման նպատակով 1926թ. հունիսի 11-ն Սուխումում գումարվեց Վրաստանի ԿԳԿ-ի մտաշրջանը, որը հաստատեց Վրաստանի ԽՍՀ նոր Սահմանադրությունը։ Նրա 5-րդ գլուխը նվիրված էր Աբխազիային, որը ինչպես ինքնավար Աջարիան, այդուհետե մտնում էր Վրաստանի կազմի մեջ։ Վրաստանի ԿԳԿ-ի մտաշրջանի հանձնարարությամբ Աբխազիայի ԿԳԿ վերամշակեց 1925թ. Սահմանադրության նախագիծը և իր մտաշրջանին՝ 1926 թ. հոկտեմբերի 27-ին, հաստատեց նոր տեքստը, որը հրապարակվեց։ Սահմանադրության վերջնական հաստատումը տեղի ունեցավ 1927թ. մարտի 7-ին Աբխազիայի Խորհուրդների 4-րդ համագումարում⁷⁰։

1920-ական թթ. վերջերին ԽՍՀՄ-ում արդեն ձևավորվել էր ազգային պետական կառույցների հիերարխիա, որտեղ «այլամանագրային հանրապետություն» հասկացությունը առանձնացված էր: Քաղաքական պոսիի հարկադրական պահանջ դարձավ իմի բերելու Վրաստանի և Աբխազիայի իրավական հարաբերությունները, այն համաձայնեցնելով ձևավորված իրականությանը և ԽՍՀՄ-ում իրականացվող պետական շինարարության քաղաքականությանը: Դեռևս Վրաստանի կոմկուսի 6-րդ համագումարում 1929թ. հուլիսի 4-ին Ն. Լուկոբան հայտարարեց. «Աբխազիայի և Վրաստանի փոխհարաբերությունների հույսը ձևակերպված է այնպես, որ Աբխազիան ստիպված կլինի ոլորակի փոփոխություն կատարել իր Սահմանադրությունում...»⁷¹: Նույն ժամանակ Աբխազիայի Ժողկոմիտրիքում կազմված տեղեկանքում նշված է «որ 1921թ. դեկտեմբերի 16-ի դաշնագիրը ...կարգրել է իրական նշանակությունը...կարող է դիտվել միայն որպես այլամանագիր ԽՍՀ Վրաստանին ԽՍՀ Աբխազիայի միավորման, որ այլամանագրային ԽՍՀ Աբխազիա անվանումը չունի իրական բովանդակություն»⁷²: 1930թ. ապրիլին Աբխազիայի ԿԳԿ-ի նստաշրջանը որոշում կայացրեց վերացնել «այլամանագրային հանրապետություն» հասկացությունը սահմանադրությունից, փոխարինելով այն «ինքնավար հանրապետություն» անվանակոչումով: 1931թ. փետրվարի 11-ին Աբխազիայի Խորհուրդների 6-րդ համագումարը, իսկ նույն ամսվա 19-ին՝ Վրաստանի Խորհուրդների 6-րդ համագումարը հաստատեցին այդ որոշումը⁷³:

Մթե ընդունենք միայն ձևական իրավական կողմը, անշուշտ Աբխազիայի կարգավիճակի փոփոխումը կարելի է դիտել որպես նվազեցում: Սակայն նա «ինքնավար» դիտվում էր դեռևս 1921թ-ից, մյուս կողմից, սակայն. հանրապետության կարգափոխությունը չփոխեց նրա իշխանավորների իրական դերն ու լիազորությունները: Աբխազիայի ինքնավար հանրապետությունը, շնորհիվ նրա ԿԳԿ-ի նախագահ Նեստոր Լուկոբայի հեղինակությանը և մտերմությանը Ստալինին, իրականում օգտվում էր միութենական հանրապետության կարգավիճակին բնորոշ «բարիքներից»⁷⁴: Միութնական Աբխազիան չէր համապատասխանում նաև մի շարք այլ պահանջների (տարածքը, բնակչության թիվը և այլն) միութենական հանրապետության իրական կարգավիճակ ստանալու համար: Այսպիսով 1931թ. տևական քաշքշուկից հետո, Աբխազիայի համար գտնվեց կարգավիճակի մի տարբերակ, որը կարճես պետք է վերջակետ դնել այդ հարցում:

DEFINITION OF THE ABKHAZIA'S STATUS BY THE SOVIET STATEHOOD (1921-1931)

The study of the condition of Abkhazia in soviet state period have an importance in the context of the modern relationships between georgians and abkhazians. After sovietization of Georgia. befor the formation of the USSR, communist leaders of Soviet Abkhazia seek for the status of independence. which formally was given from central communist bodics. During the formation the federation of south Caucasus republics, Abkhazia was included Soviet Republic of Georgia based on an alliance agreement. Higher state and party bodics of the USSR regarded Abkhazia as autonomy region, but it was called agreement republic, such concessions were made, because the great part of abkhaz nationality didn't want to be under the administrative patronage of Georgia. The status of agreement republic of Abkhazia in 1922-1930 had the same formal character, as the independence in 1921. In 1931 Abkhazia was transformed into an autonomy republic in Georgia SSR as the USSR hadn't the analogy of agreement republic.

შპსსაბჭოთა სახელმწიფო

1. Д.Стура, Сепаратистское движение в Абхазии в 60-е и 70-е годы нашего столетия, Тб., 1995, с. 59, შპსსაბჭოთა სახელმწიფო, А.Ментешавили, Оккупация и фактическая аннексия Грузии, Тб., 1990.
2. Шли Г.Дзидзария, "Киараз" (Об Абхазской революционной крестьянской дружине 1917-1921 гг.), Сух., 1981; შპსსაბჭოთა სახელმწიფო, Роль Советов и "Киараза" в истории революционной борьбы в Абхазии 1917-1921 гг., Сух., 1971.
3. А.Ментешавили, Октябрьская революция и национально-освободительное движение в Грузии (1917-1921) Тб., 1987, с. 189.
4. Укрепление Советской власти в Абхазии (1921-1925). Сборник док. и мат. Составитель А.О.Тулумджян, Сух., 1957, с. 14-15.
5. Образование СССР, сборник док., М., 1972, с. 172.
6. Революционные комитеты Абхазии в борьбе за установление и упрочение Советской власти (февраль 1921-февраль 1922), сб. док., Сух., 1961, с. 27.
7. Революционные комитеты Грузии, сб. док. и мат., Сух., 1963, с. 78.
8. Б.Сагария, Национально-государственное строительство в Абхазии (1921-1931 гг.), Сух., 1979, с. 25.
9. Б.Сагария, Образование и укрепление советской национальной государственности в Абхазии (1921-1938 гг.), Сух. 1981, с. 41-42.
10. Б.Сагария, Образование и укрепление..., с. 44.
11. А.Ментешавили, Октябрьская революция..., с. 189.
12. Г.К.Орджоникидзе, Статьи и речи, М., 1956, т.1, с. 199-200.
13. А.Ментешавили, Октябрьская революция..., с. 189.
14. Укрепление Советской власти в Абхазии (1921-1925), с. 27.

15. По поводу искажения грузино-абхазских взаимоотношений, Тб., 1991, с. 85.
16. Н.А.Лакоба, Статьи и речи, сост. А.О.Тулумджян, Сух., 1987, с.176.
17. В.И.Ленин, Полное собрание сочинений, т. 45, с. 360.
18. Там же, т. 45, с. 359-360.
19. История Абхазской АССР 1917-1937, Сух., 1983, с. 101.
20. Очерки истории Коммунистической партии Грузии, Тб., 1971, с. 428.
21. "Трибуна"(27.09.1921), մեք. լստ А.Ментешашвили, Октябрьская революция..., с.198.
22. Д.Стура, նշվ. աշխ, էջ 58.
23. Հաղաթափան կուսակցությունների արխիվ (Թբիլիսի). ֆ. 14, ց. 1. գ. 11, ք. 22.
24. Н.А.Лакоба, նշվ. աշխ, էջ 34.
25. Съезды Советов Абхазии (1922-1923 гг.), сборник док. и мат., Сух., 1959, с. 92, док. N 29.
26. Укрепление Советской власти в Абхазии (1921-1925), с. 44-45.
27. Г.К.Орджоникидзе, նշվ. աշխ, էջ 200-201.
28. Н.А.Лакоба, նշվ. աշխ, էջ 176.
29. Д.Гамахариа, Б.Гогиа, Абхазия-историческая область Грузии с древнейших времен до 30-х годов 20 века, Тб., 1997, с. 477, док. N 267.
30. А.Ментешашвили, Октябрьская революция..., с. 192.
31. Б.Сагария, Образование и укрепление..., с. 47-48; Г.П.Лежава, Между Грузией и Россией: исторические корни и современные факторы абхазо-грузинского конфликта XIX — XX веках, М., 1997, с. 101.
32. Б.Сагария, Образование и укрепление..., с. 48-49.
33. Հաղաթափան կուսակցությունների արխիվ (ք. Թբիլիսի). ֆ. 14, ց. 1. գ. 37, ք. 180, մեք. լստ բերրի "Свободная Грузия", N 115(28.06.1991).
34. "Свободная Грузия", N 115(28.06.1991).
35. Там же.
36. История Абхазии, Гудаута 1993, с. 329; А.Ментешашвили, Октябрьская революция..., с.192; В.А.Шнирельман, Война памяти: мифы, идентичность и политика в Закавказье, М., 2003, с. 267.
37. Б.Сагария, Образование и укрепление..., с.50
38. История Абхазской АССР..., с.105, նաև տես՝ Б.Сагария, Образование и укрепление..., с. 51.
39. Դ.Գամախարիա, Վրաց-արխազական հարաբերությունների պատմությունից, Թբ., 1991, (վրաց.լեզ.), էջ 125, նաև տես՝ "Свободная Грузия", N 115(28.06.1991), նաև История Абхазии..., с.330.
40. Н.А.Лакоба, նշվ. աշխ, էջ 177.
41. Б.Сагария, Образование и укрепление..., с.51, նաև տես՝ История Абхазии..., с.330.
42. Б.Сагария, Образование и укрепление..., с.51.
43. "Социалист-Федералисти", (23.07.1921), մեք. լստ Д.Гамахариа, Б.Гогиа, Абхазия-историческая..., с. 476, док. N 265.
44. По поводу искажения..., с. 90.
45. Б.Сагария, Образование и укрепление..., с.56.

46. Там же, с. 54.
47. Там же, с. 58-59.
48. Sbu "Международное право", N 4, 1999, с. 253-266.
49. Съезды Советов Советских Социалистических Республик (1917-1922 гг.), сборник док., М., 1960, т. 2, с. 461.
50. Զախարական կուսակցությունների արխիվ (ք. Թբիլիսի), ֆ. 14, ց. 1, գ. 192, ր. 215.
51. По поводу искажения..., с. 92.
52. Դ.Դամխարիա, Վրաց-արխագական..., էջ 118, նաև տես՝ "Свободная Грузия", N 115 (28.06.1991).
53. Դ.Դամխարիա, Վրաց-արխագական..., էջ 118.
54. Б.Сагария, Образование и укрепление..., с. 131.
55. Դ.Դամխարիա, Վրաց-արխագական..., էջ 113.
56. История советской Конституции (1917-1956), М., 1957, с. 463.
57. Б.Сагария, Образование и укрепление..., с. 56.
58. И.В.Сталин, Сочинения, т. 5, с. 249-250.
59. Б.Сагария, Образование и укрепление..., с.59.
60. Там же, с. 121.
61. Съезды Советов союзных и автономных советских социалистических республик Закавказья, сборник док. (1923-1937), т. 6, М., 1964, с. 673.
62. По поводу искажения..., с. 93, նաև տես՝ Исторические и политико-правовые аспекты конфликта в Абхазии, Тб., 1995, с. 54, նաև Этнополитические конфликты в Закавказье, США, Мериленд, 1997, с. 133.
63. Б.Сагария, Образование и укрепление... с. 121-123, նաև տես՝ Д.Гамахариа, Б.Гогиа, նշվ. աշխ. էջ 122, նաև История Абхазской АССР ... с. 196-197.
64. По поводу искажения..., с. 93 նաև Д.Гамахариа, Б.Гогиа, նշվ. աշխ. էջ 123.
65. История Абхазской АССР., с. 197, նաև Д.Гамахариа, Б.Гогиа, նշվ. աշխ. էջ 123.
66. Н.А.Лакоба, նշվ. աշխ. էջ 177-178.
67. Там же.
68. Б.Сагария, Образование и укрепление..., с. 10.
69. Там же.
70. История Абхазской АССР., с. 199-200.
71. Н.А.Лакоба, նշվ. աշխ. էջ 277.
72. История Абхазской АССР., с. 250.
73. Там же, с. 338.
74. С.З.Лакоба, Очерки политической истории Абхазии, Сух., 1990, с. 118; В.А.Шнирельман, նշվ. աշխ. էջ 267: Վերջինս, հղելով Ստամբուլյալ Լակոբայի աշխատությունը, համոզված գրում է, թե. «Желая закрепить это положение, в последние годы жизни [Нестор] Лакоба неоднократно ставил перед Сталиным вопрос о включении Абхазской АССР в состав РСФСР» (նույն տեղում, էջ 267). Այդ պնդումը, սակայն, չի հիմնավորված վավերագրորեն և Ս. Լակոբայի աշխատության մեջ ներկայացված է հետազայում գրառված հուշերի հիման վրա (տես Ս.З.Лакоба, Очерки ..., էջ 123):